



Broj/Broj: 01/a – 50 – 1 – 15 - 62/09  
Sarajevo/Sarajevo: 14.10. 2009.

## ZAPISNIK

### 62. sjednice Predstavničkog doma Parlamentarne skupštine Bosne i Hercegovine, održane 14.10. 2009. godine

Sjednica je počela u 10 sati. Prisustvovalo je 40 poslanika.

Opravdano su odsustvovali Niko Lozančić i Halid Genjac.

Iz Vijeća ministara BiH sjednici su prisustvovali ministri: Bariša Čolak i Dragan Vrankić, te zamjenik ministra Srđan Arnaut.

Iz međunarodnih organizacija sjednicu su pratili predstavnici: OHR-a, OSCE-a, EUSR-a, EUPM-a, USAID/PSP u BiH, te nevladine organizacije Centri civilnih inicijativa.

Sjednici su prisustvovali: predsjednik Odbora za žalbe građana na rad policijskih službenika u policijskim tijelima BiH, te predstavnici UGOR-a – udruženja građana otpuštenih radnika iz RH i Republičkog udruženja radnika i invalida rada izbjeglih iz Hrvatske s državljanstvom BiH.

Na početku sjednice, u okviru prethodnih pitanja, predsjedavajući Milorad Živković informirao je Dom o sljedećem:

- da poslanik DNS-a Ljiljana Milašin od 30. septembra 2009. pristupa Klubu poslanika SNSD-a.

- da je Kolegij Predstavničkog doma održao sastanak s Kolegijem Doma naroda, u vezi s realizacijom zaključka Doma sa 60. sjednice, a povodom rasprave o Prijedlogu amandmana II. na Ustav BiH, predlaže Klub poslanika Stranke za BiH. Utvrđeno je da je Predstavnički dom na 64. sjednici, održanoj 31. 8. 2005., usvojio Amandman I. na Ustav BiH, čiji je predlaže Vijeće ministara BiH, a u suštini je identičan s Prijedlogom amandmana koji su u proceduru dostavili poslanici Kluba Stranke za BiH. Dom naroda je na 47. sjednici, održanoj 5. 10. 2005., usvojio Amandman u prvom čitanju i nije nastavio parlamentarnu proceduru. Očekuje se da Dom naroda okonča započetu proceduru o čemu će poslanici biti naknadno obaviješteni.

- što se tiče zahtjeva poslanika Denisa Bećirovića sa 61. sjednice da se uputi urgencija svim institucijama koje nisu odgovorile na postavljena pitanja, tražene urgencije su upućene, a poslanicima je dostavljen pregled pitanja na koja do 8. 10. 2009. nisu pristigli odgovori.

Nakon prethodnih pitanja, predsjedavajući je obrazložio izmjene i dopune prijedloga dnevnog reda, koje su usaglašene na sjednici Kolegija i Proširenog kolegija Doma. Izvršene su sljedeće izmjene i dopune prijedloga dnevnog reda:

S dnevnog reda *skidaju se sljedeće tačke:*

- **tačka 10.** Prijedlog zakona o duhanu BiH, predlagač: Vijeće ministara BiH, na prijedlog Komisije za vanjsku trgovinu i carine. Kolegij je produžio rok za dostavljanje mišljenja do 26.10.2009.

**tačka 12.** Prijedlog zakona o izmjenama i dopunama Zakona o nestalim licima – predlagač: Zajednička komisija za ljudska prava, prava djeteta, mlade, imigraciju, izbjeglice, azil i etiku, na zahtjev nadležne Zajedničke komisije za ljudska prava, prava djeteta, mlade, imigraciju, izbjeglice, azil i etiku. Kolegij je produžio rok za dostavljanje mišljenja do 26.10.2009.

**tačka 16.** Izvještaj komisije Kolegija o nastojanju za postizanje saglasnosti o Prijedlogu zaključka poslanika Azre Hadžiahmetović sa 61. sjednice Doma, održane 30. 9. 2009., da se „Prijedlog zakona o Agenciji za prevenciju korupcije i koordinaciju borbe protiv korupcije razmatra i u drugom čitanju“, s obzirom da je uvrštavanjem tačke 6. u dnevni red prestala potreba za razmatranjem ove tačke.

**tačka 18.** Prijedlog poslovnika o radu Nezavisnog odbora kao nezavisnog tijela policijske strukture u BiH, s obzirom da nije pristiglo mišljenje nadležne Komisije za odbranu i sigurnost BiH.

U dnevni red ***dodaju se sljedeće tačke:***

**tačka 6.** Prijedlog zakona o Agenciji za prevenciju korupcije i koordinaciju borbe protiv korupcije (drugo čitanje)

**tačka 20.** Prijedlog zaključka o osnivanju Privremene komisije oba doma Parlamentarne skupštine BiH za provođenje procedure za izbor tri člana Upravnog odbora Agencije za razvoj visokog obrazovanja i osiguravanje kvaliteta

**tačka 21.** Imenovanje članova iz Predstavničkog doma u Stalnu delegaciju Parlamentarne skupštine BiH u Parlamentarnu skupštinu Mediterana.

**Tačka 4.** Prijedlog zakona o protuminskom djelovanju BiH, predlagač: Vijeće ministara BiH, dopunjava se **Izvještajem Zajedničke komisije za ljudska prava, prava djeteta, mlade, imigraciju, izbjeglice, azil i etiku.**

Nije bilo rasprave o dnevnom redu.

Predsjedavajući je za 62. sjednicu Predstavničkog doma konstatirao sljedeći

## **D N E V N I R E D**

1. Usvajanje Zapisnika 61. sjednice Predstavničkog doma;
2. Poslanička pitanja:
  - a) Komentari na dobivene odgovore,

- b) Nova poslanička pitanja,
3. Zahtjev poslanika Adema Huskića za razmatranje Prijedloga zakona o dopuni Zakona o plaćama i naknadama u institucijama BiH, po hitnom postupku u skladu s članom 127. Poslovnika (zakon broj: 01 – 02 – 4 – 90/09, od 30. 9.2009.),
  4. Prijedlog zakona o protuminskom djelovanju BiH, predlađač: Vijeće ministara BiH, zakon broj 01, 02 – 02 – 8 - 54/09, od 3. 6. 2009., sa Izvještajem Zajedničke komisije za ljudska prava, prava djeteta, mlade, imigraciju, izbjeglice, azil i etiku;
  5. Prijedlog zakona o izmjenama i dopunama Zakona o upravnom postupku, predlađač: Vijeće ministara BiH, zakon broj 01, 02 – 02 – 5 - 76/09, od 21. 8. 2009. (drugo čitanje),
  6. Prijedlog zakona o Agenciji za prevenciju korupcije i koordinaciju borbe protiv korupcije (drugo čitanje);
  7. Prijedlog zakona o općoj sigurnosti proizvoda, predlađač: Vijeće ministara BiH, zakon broj: 01, 02 – 02 – 2 - 86/09, od 25. 9. 2009. (prvo čitanje),
  8. Prijedlog zakona o izmjenama i dopunama Zakona o nadzoru nad tržištem u BiH, predlađač: Vijeće ministara BiH, zakon broj: 01, 02 – 02 – 2 - 84/09, od 25. 9. 2009. (prvo čitanje),
  9. Prijedlog zakona o izmjenama i dopunama Zakona o ravnopravnosti spolova u BiH, predlađač: Vijeće ministara BiH, zakon broj: 01, 02 – 02 – 3 - 87/09, od 25. 9. 2009. (prvo čitanje),
  10. Prijedlog zakona o izmjeni Zakona o finansiranju političkih stranaka, predlađač: Vijeće ministara BiH, zakon broj: 01, 02 – 02 – 4 - 85/09, od 25. 9. 2009. (prvo čitanje),
  11. Prijedlog zakona o izmjenama i dopunama Zakona o ministarstvima i drugim organima uprave BiH, predlađač: Vijeće ministara BiH, zakon broj 01,02-02-5-6-1/09, od 21.8.2009. (prvo čitanje),
  12. Prijedlog zakona o izmjenama i dopunama Zakona o javnim nabavkama BiH, predlađač: poslanik Bajazit Jašarević, zakon broj:01-02-4-83/09, od 16.09.2009. (prvo čitanje),
  13. Prijedlog zakona o Agenciji za kontrolu i osiguranje prisilnog oduzimanja imovine stečene krivičnim djelima i upravljanje oduzetom imovinom, predlađač: Klub poslanika SDP-a BiH, zakon broj: 01-02-5-81/09, od 14.9.2009. (prvo čitanje),
  14. Prijedlog zakona o dopuni Zakona o porezu na dodatu vrijednost, s mišljenjem Komisije za finansije i budžet, predlađač: Klub poslanika SNSD-a, zakon broj 01-02-4-35/09, od 10.4.2009.,
  15. Izvještaj Zajedničke komisije oba doma o postizanju saglasnosti o identičnom tekstu Zakona o izmjenama i dopunama Zakona o osnovama sigurnosti saobraćaja na putevima u BiH,
  16. Prijedlog poslovnika o radu Odbora za žalbe građana na rad policijskih službenika u policijskim tijelima BiH (akt Odbora za žalbe broj: 01,02-34-6-1121/09, od 25.9. 2009.),
  17. Rasprava o materijalu „Položaj te mjere za poboljšanje položaja građana Bosne i Hercegovine koji su bili zaposleni i nastanjeni u Republici Hrvatskoj a u periodu od 1991. do 1995. godine otpušteni s posla – usvojena inicijativa poslanika Momčila Novakovića sa 53. sjednice Doma, održane 13. 5. 2009., osnov za raspravu materijal dostavljen od Vijeća ministara BiH, od 25. 9. 2009.,
  18. Program „Perspektiva“ i informacija Ministarstva odbrane BiH i Zajedničkog štaba Oružanih snaga BiH o tranziciji i zbrinjavanju personala MOBiH i OSBiH, s Mišljenjem i prijedlozima zaključaka Zajedničke komisije za odbranu i sigurnost (materijal broj: 03/1-03-578/09, od 21. 9. 2009.),

19. Informacija o usvojenim mjerama za ublažavanje negativnih efekata globalne ekonomske krize u Bosni i Hercegovini, materijal Vijeća ministara BiH, broj: 01-50-3-1004/09, od 24.8.2009.,
20. Prijedlog zaključka o osnivanju Privremene komisije oba doma Parlamentarne skupštine BiH za provođenje procedure za izbor tri člana Upravnog odbora Agencije za razvoj visokog obrazovanja i osiguravanje kvaliteta,
21. Imenovanje članova iz Predstavničkog doma u Stalnu delegaciju Parlamentarne skupštine BiH u Parlamentarnu skupštinu Mediterana,
22. Razrješenje poslanika Rifata Dolića, člana Posebne istražne komisije, zbog podnošenja ostavke,
23. Davanje saglasnosti za ratifikaciju:
  - a) Sporazuma o finansiranju između Bosne i Hercegovine i Komisije Evropskih zajednica u pogledu prekograničnih programa između Bosne i Hercegovine i Republike Hrvatske na osnovu komponente prekogranične saradnje u okviru Instrumenta pretpristupne pomoći (IPA) za 2008. godinu,
  - b) Sporazuma o finansiranju između Bosne i Hercegovine i Komisije Evropskih zajednica u pogledu prekograničnog programa između između Bosne i Hercegovine i Republike Srbije na osnovu komponente prekogranične saradnje u okviru Instrumenta pretpristupne pomoći (IPA) za 2008. godinu,
  - c) Sporazuma o finansiranju između Bosne i Hercegovine i Komisije Evropskih zajednica u pogledu prekograničnog programa između Bosne i Hercegovine i Crne Gore na osnovu komponente prekogranične saradnje u okviru Instrumenta pretpristupne pomoć (IPA) za 2008. godinu.
  - d) Kreditnog sporazuma – Projekat završetka i opremanja četiri bolnice – između Saudijskog fonda za razvoj i Bosne i Hercegovine.
  - e) Konvencije Međunarodne agencije za atomsku energiju o nuklearnoj sigurnosti, Beč, 17. juna 1994.,
  - f) Konvencije Međunarodne organizacije rada o promotivnom okviru sigurnosti i zdravlja na radu br. 187 iz 2006. godine i Preporuke vezane za promotivni okvir profesionalne sigurnosti i zdravlja na radu br. 197 iz 2006. godine,
  - g) Deklaracije o jačanju nacionalnih i regionalnih kapaciteta za pripravnost i reakciju na epidemije i za provođenje Međunarodnih zdravstvenih propisa (2005.),
  - h) Kodeksa Međunarodne agencije za atomsku energiju o postupanju u vezi s pitanjem sigurnosti i zaštite radioaktivnih izvora,
  - i) Amandmana na Konvenciju Međunarodne agencije za atomsku energiju o fizičkoj zaštiti nuklearnog materijala.

#### **Ad. 1. Usvajanje Zapisnika 61. sjednice Predstavničkog doma**

Predsjedavajući je konstatirao da je Zapisnik dostavljen poslanicima.

U okviru rasprave o Zapisniku, Beriz Belkić dao je primjedbu da na prvoj stranici, u okviru prethodnih pitanja, treba konstatirati da je Vesna Šain dala svečanu izjavu, te da je na sedmoj strani pod Ad. 3. Izjašnjavanje o Prijedlogu zakona o poštama BiH, predlagrač: Vijeće ministara BiH, zakon broj: 01,02 – 02 – 9 - 15/09, od 3. 2. 2009. (drugo čitanje), izostavljeno da je, nakon prvog kruga glasanja, Kolegij odmah proveo usaglašavanje te da nije postignuta saglasnost.

Zapisnik 61. sjednice usvojen je s 30 glasova „za“ (iz Federacije BiH 21, iz Republike Srpske devet), jednim glasom „protiv“ i bez „sudržanih“ glasova.

## **Ad. 2. Poslanička pitanja**

Predsjedavajući Živković konstatirao je da su od prošle do ove sjednice odgovore na pitanja dobili:

- Remzija Kadrić – od Vijeća ministara BiH, na pitanje postavljeno na 60. sjednici.
- Husein Nanić – od Federalnog ministarstva finansija, na pitanje postavljeno na 59. sjednici,
- Selim Bešliagić – od Kliničkog centra univerziteta u Sarajevu, na pitanje postavljeno na 60. sjednici,
- Željko Kuzmanović – od Ministarstva finansija RS-a, na pitanje postavljeno na 59. sjednici,
- Mirko Okolić - od Vijeća ministara BiH, na pitanje postavljeno na 59. sjednici,
- Jozo Križanović – od Ministarstva pravde BiH, na pitanje postavljeno na 59. sjednici,
- Bajazit Jašarević – od Ureda za razmatranje žalbi, na pitanje postavljeno na 59. sjednici,
- Adem Huskić – od Uprave za indirektno oporezivanje, na pitanje postavljeno na 60. sjednici,
- Mirko Okolić – od Granične policije, na pitanje postavljeno na 60. sjednici

Dobivene odgovore komentirali su: Selim Bešliagić, Husein Nanić i Jozo Križanović.

U okviru komentara na dobivene odgovore, ponovljeno je ranije postavljeno pitanje kako slijedi:

### **Jozo Križanović**

- Kome je do sada izvršen povrat imovine?
- Kakva je struktura imovine?
- Kolika je njena vrijednost?
- Na osnovu kojih propisa je to urađeno?

Nova poslanička pitanja postavljena su u pisanoj formi kako slijedi:

### **Vesna Šain**

„Molim Ministarstvo za ljudska prava i izbjeglice da mi odgovori koje su aktivnosti preduzete nakon potpisivanja konvencije UN-a o pravima lica s invaliditetom. Šta je učinjeno da dođe do procesa ratifikacije? Koji zakonski i podzakonski akti reguliraju oblast invalidnosti na entitetskom nivou?“

### **Mirjana Malić**

„Postoji li iko u ovoj državi nadležan da spriječi eroziju i nestanak institucija kulture i ima li Vijeće ministara BiH ikakvih mogućnosti da utiče na nadležne organe da zaustave poražavajući trend gašenja renomiranih pozorišta, biblioteka, muzeja i da ne nabrajam?“

### **Denis Bećirović**

1. Koje će konkretne mjere preduzeti Ministarstvo pravde BiH u Vijeću ministara BiH, nakon objavljivanja neutemeljene i nepravedne presude Okružnog suda u Beogradu, državljaninu BiH Iliji Jurišiću, s ciljem zaštite elementarnih ljudskih prava? S obzirom na izrazito loše zdravstveno stanje državljanina BiH Ilije Jurišića, tražim da

mi se na ova pitanja odgovori najkasnije u roku od sedam dana. S obzirom da je u ponedjeljak, 19. oktobra, zakazan veliki miting građana Tuzle i BiH u Tuzli, ja bih zamolio, ako je moguće i prije početka tog mitinga u ponedjeljak, da dobijem konkretne odgovore na ova pitanja.

2. Koje će konkretne mjere preduzeti Ministarstvo vanjskih poslova BiH u Vijeću ministara BiH, nakon objavljivanja neutemeljene i nepravedne presude Okružnog suda u Beogradu, državljaninu BiH Iliji Jurišiću, s ciljem zaštite njegovih elementarnih ljudskih prava? S obzirom na izrazito loše zdravstveno stanje državljanina BiH Ilije Jurišića, tražim da mi se na ova pitanja odgovori najkasnije u roku od sedam dana. S obzirom da je u ponedjeljak, 19. oktobra, zakazan veliki miting građana Tuzle i BiH u Tuzli, ja bih zamolio, ako je moguće i prije početka tog mitinga u ponedjeljak, da dobijem konkretne odgovore na ova pitanja.
3. Koje će konkretne mjere preduzeti Ministarstvo za ljudska prava i izbjeglice BiH u Vijeću ministara BiH, nakon objavljivanja neutemeljene i nepravedne presude Okružnog suda u Beogradu, državljaninu BiH Iliji Jurišiću, s ciljem zaštite njegovih elementarnih ljudskih prava?
4. Koje automobile je Ministarstvo pravde BiH kupilo u periodu od 1. januara 2007.godine do danas? Samo me interesira cijena automobila i njihova marka. (poslanik je tražio usmeni odgovor na posatavljeno pitanje, ali je ministar Bariša Čolak rekao da će odgovor dobiti precizno u pisanoj formi u najkraćem roku).

#### **Rifat Dolić**

1. „Kakva je zakonom propisana procedura uništavanja viška naoružanja ili naoružanja koje ne zadovoljava usvojene standarde u oružanoj komponenti BiH i da li je do sada bilo zloupotreba i bilo kakvog nepropisnog ponašanja odgovornih ljudi i institucija po ovom osjetljivom pitanju?“
2. „U kojim zdravstvenim ustanovama u BiH se danas može obavljati liječenje karcinoma kemoterapijom, koliko je prosječno čekanje pacijenata na ovu propisanu terapiju i postoji li objektivna potreba za modernizacijom postojećih i osposobljavanje novih zdravstvenih ustanova, za obavljanje ovakve vrste terapije?“

#### **Husein Nanić**

1. „Tražim da mi se dostavi spisak svih zakona koji u ovom sazivu Parlamenta nisu dobili podršku zbog tzv. entitetskog glasanja, znači nedostatka dovoljnog broja glasova iz jednog od entiteta.“ (Predsjedavajući Milorad Živković usmeno je odgovorio da se evidencija o traženim podacima redovno vodi u stručnim službama Sekretarijata Parlamentarne skupštine BiH te da se u svakom trenutku na lični zahtjev može dobiti).
2. „Da li će i kada u parlamentarnu proceduru dostaviti Zakon o sprečavanju nereda na sportskim takmičenjima?“

#### **Salko Sokolović**

„Da li su legitimne odluke Vijeća ministara BiH kada znamo da trenutno nemamo zamjenika predsjedavajućeg Vijeća ministara BiH i predsjednika Odbora za unutrašnju politiku?“

#### **Azra Alajbegović**

„Molim da mi se dostavi Izvještaj o povratku duševnih bolesnika iz Mađarske, koji su 1992. godine otišli iz ustanove Jakeš, s kompletnim redoslijedom i kalendarom aktivnosti Ministarstva za ljudska prava i izbjeglice BiH od 1995. do 2009. godine. Koji je plan njihovog zbrinjavanja po povratku u zemlju?“

**Željko Kuzmanović**

„Postoji li unutar Agencije za istrage i zaštitu jedinica koja nadgleda eventualne zloupotrebe u korištenju interneta i da li se preduzimaju akcije protiv lica koja vrše takve zloupotrebe?“

**Savo Erić**

„Kada mislite dati u proceduru Prijedlog budžeta za 2010.godinu?“

**Sead Jamakosmanović**

„Koliko građana Bosne i Hercegovine s dvojnim državljanstvom Republike Srbije i Hrvatske, na bazi posebnih odnosa entiteta u BiH s državama iz okruženja, u tim državama služe kao profesionalna vojna lica, odnosno koliko je građana po ovom osnovu regrutirano u oružane snage država Hrvatske i Srbije?“

**Ad. 3. Zahtjev poslanika Adema Huskića za razmatranje Prijedloga zakona o dopuni Zakona o plaćama i naknadama u institucijama BiH, po hitnom postupku u skladu s članom 127. Poslovnika (zakon broj: 01 – 02 – 4 – 90/09, od 30. 9.2009.)**

Predsjedavajući Milorad Živković dao je uvodne napomene, nakon čega je Adem Huskić, kao predlagač, učestvovao u raspravi.

Dom je, s 27 glasova „za“ (iz Federacije BiH 19, iz Republike Srpske osam), jednim glasom „protiv“ i tri „suzdržana“ glasa, usvojio zahtjev za hitni postupak.

Zatim je, s 24 glasa „za“ (iz Federacije BiH 16, iz Republike Srpske osam), jednim „protiv“ i pet „suzdržanih“ glasova, usvojen Zakon o plaćama i naknadama u institucijama BiH.

**Ad. 4. Prijedlog zakona o protuminskom djelovanju BiH, predlagač: Vijeće ministara BiH, zakon broj 01, 02 – 02 – 8 - 54/09, od 3. 6. 2009., sa Izvještajem Zajedničke komisije za ljudska prava, prava djeteta, mlade, imigraciju, izbjeglice, azil i etiku**

Nakon uvodnih napomena predsjedavajućeg, u raspravi su učestvovali: Slavko Jovičić, Beriz Belkić, Sadik Ahmetović, Milorad Živković, Mirjana Malić, Husein Nanić, Bakir Izetbegović, Azra Alajbegović, Šemsudin Mehmedović i Momčilo Novaković.

Predstavnički dom, s 11 glasova „za“ (iz Federacije BiH), 18 glasova „protiv“ (iz Federacije BiH devet, iz Republike Srpske devet) i dva „suzdržana“ glasa, nije usvojio Izvještaj Zajedničke komisije za ljudska prava, prava djeteta, mlade, imigraciju, izbjeglice, azil i etiku, te je Prijedlog zakona vraćen Komisiji radi dostavljanja novog izvještaja.

Dom je, s 27 glasova „za“, bez glasova protiv i četiri „suzdržana“ glasa, usvojio sljedeći zaključak Šemsudina Mehmedovića:

***„Zadužuje se Vijeće ministara BiH da prilikom izrade Budžeta BiH za 2010. godinu predvidi značajan iznos sredstava za finansiranje deminiranja u Bosni i Hercegovini.“***

**Ad. 5. Prijedlog zakona o izmjenama i dopunama Zakona o upravnom postupku, predlagač: Vijeće ministara BiH, zakon broj 01, 02 – 02 – 5 - 76/09, od 21. 8. 2009. (drugo čitanje)**

Nakon uvodnih napomena predsjedavajućeg, nije bilo rasprave u okviru ove tačke dnevnog reda.

S 29 glasova „za“ (iz Federacije BiH 19, iz Republike Srpske 10), bez glasova „protiv“ i dva „suzdržana“ glasa, Zakon je usvojen u drugom čitanju.

**Ad. 6. Prijedlog zakona o Agenciji za prevenciju korupcije i koordinaciju borbe protiv korupcije (drugo čitanje)**

Predsjedavajući je dao kratke uvodne napomene. U raspravi su učestvovali: Mirko Okolić, Momčilo Novaković i Beriz Belkić.

S 29 glasova „za“ (iz Federacije BiH 20, iz Republike Srpske devet), jednim glasom „protiv“ i bez „suzdržanih“ glasova, Zakon je usvojen u drugom čitanju s tri amandmana koji postaju sastavni dio zakona.

**Ad. 7. Prijedlog zakona o općoj sigurnosti proizvoda, predlagač: Vijeće ministara BiH, zakon broj: 01, 02 – 02 – 2 - 86/09, od 25. 9. 2009. (prvo čitanje)**

Predsjedavajući je dao kratke napomene, nakon kojih nije bilo rasprave.

Predstavnički dom je, s 31 glasom „za“ (iz Federacije BiH 21, iz Republike Srpske 10), bez glasova „protiv“ i bez „suzdržanih“ glasova, usvojio Prijedlog zakona u prvom čitanju.

**Ad. 8. Prijedlog zakona o izmjenama i dopunama Zakona o nadzoru nad tržištem u BiH, predlagač: Vijeće ministara BiH, zakon broj: 01, 02 – 02 – 2 - 84/09, od 25. 9. 2009. (prvo čitanje)**

Nakon uvodnih napomena predsjedavajućeg Živkovića, nije bilo rasprave o ovoj tački dnevnog reda.

S 30 glasova „za“ (iz Federacije BiH 21, iz Republike Srpske devet), bez glasova „protiv“ i jednim „suzdržanim“ glasom, Prijedlog zakona usvojen je u prvom čitanju.

**Ad. 9. Prijedlog zakona o izmjenama i dopunama Zakona o ravnopravnosti spolova u BiH, predlagač: Vijeće ministara BiH, zakon broj: 01, 02 – 02 – 3 - 87/09, od 25. 9. 2009. (prvo čitanje)**

Nakon uvodnih napomena predsjedavajućeg Milorada Živkovića, nije bilo rasprave o ovoj tački dnevnog reda.



S 29 glasova „za“ (iz Federacije BiH 20, iz Republike Srpske devet), bez glasova „protiv“ i bez „suzdržanih“ glasova, Dom je usvojio Prijedlog zakona u prvom čitanju.

**Ad.10. Prijedlog zakona o izmjeni Zakona o finansiranju političkih stranaka, predlagač: Vijeće ministara BiH, zakon broj: 01, 02 – 02 – 4 - 85/09, od 25. 9. 2009. (prvo čitanje)**

Predsjedavajući je dao uvodne napomene, nakon čega nije bilo rasprave.

„Za“ Prijedlog zakona glasao je 21 poslanik (iz Federacije BiH 12, iz Republike Srpske devet), osam poslanika bilo je „protiv“, a „suzdržanih“ nije bilo, te je Prijedlog zakona usvojen u prvom čitanju.

**Ad. 11. Prijedlog zakona o izmjenama i dopunama Zakona o ministarstvima i drugim organima uprave BiH, predlagač: Vijeće ministara BiH, zakon broj 01,02-02-5-6-1/09, od 21.8.2009. (prvo čitanje)**

Predsjedavajući je dao kratke uvodne napomene. U raspravi je učestvovao Remzija Kadrić.

S 19 glasova „za“ (iz Federacije BiH 10, iz Republike Srpske devet), 12 glasova „protiv“ i bez „suzdržanih“ glasova, Prijedlog zakona usvojen je u prvom čitanju.

**Ad. 12. Prijedlog zakona o izmjenama i dopunama Zakona o javnim nabavkama BiH, predlagač: poslanik Bajazit Jašarević, zakon broj:01-02-4-83/09, od 16.09.2009. (prvo čitanje)**

Predsjedavajući je dao kratke uvodne napomene. U raspravi su učestvovali: Bajazit Jašarević, Vesna Šain, Valimir Jukić, Savo Erić i Adem Huskić.

„Za“ su glasala 22 poslanika (iz Federacije BiH 20, iz Republike Srpske dva), niko nije bio „protiv“ i osam poslanika bilo je „suzdržano“. Predsjedavajući je konstatirao da nema dovoljne entitetske većine, te da će se Kolegij kao komisija pokušati usaglasiti u roku od tri dana, o čemu će se obavijestiti Dom.

**Ad. 13. Prijedlog zakona o Agenciji za kontrolu i osiguranje prisilnog oduzimanja imovine stečene krivičnim djelima i upravljanje oduzetom imovinom, predlagač: Klub poslanika SDP-a BiH, zakon broj: 01-02-5-81/09, od 14.9.2009. (prvo čitanje)**

Nakon što je drugi zamjenik predsjedavajućeg Beriz Belkić dao uvodne napomene, u raspravi su učestvovali: Jozo Križanović, Beriz Belkić, Momčilo Novaković, Slavko Matić, Šefik Džaferović, Ekrem Ajanović, Slavko Jovičić, Denis Bećirović, Remzija Kadrić, Rifat Dolić, Adem Huskić i Milorad Živković.

„Za“ je glasalo 20 poslanika (iz Federacije BiH 19, iz Republike Srpske jedan), osam je glasalo „protiv“ i dva poslanika bila su „suzdržana“. Predsjedavajući je konstatirao da nema dovoljne entitetske većine, te da će se Kolegij kao komisija pokušati usaglasiti u roku od tri dana, o čemu će se obavijestiti Dom.

**Ad. 14. Prijedlog zakona o dopuni Zakona o porezu na dodatu vrijednost, s mišljenjem Komisije za finansije i budžet, predlagač: Klub poslanika SNSD-a, zakon broj 01-02-4-35/09, od 10. 4. 2009.**

Predsjedavajući Milorad Živković dao je uvodne napomene, nakon čega nije bilo rasprave o ovoj tački dnevnog reda.

„Za“ Mišljenje Komisije za finansije i budžet glasalo je 17 poslanika (iz Federacije BiH 16, iz Republike Srpske jedan), 11 je glasalo „protiv“ i tri poslanika bila su „suzdržana“. Predsjedavajući je konstatirao da nema dovoljne entitetske većine, te da će se Kolegij kao komisija pokušati usaglasiti u roku od tri dana, o čemu će Dom biti obaviješten.

**Ad. 15. Izvještaj Zajedničke komisije oba doma o postizanju saglasnosti o identičnom tekstu Zakona o izmjenama i dopunama Zakona o osnovama sigurnosti saobraćaja na putevima u BiH**

Predsjedavajući je podsjetio Dom da je predmet usaglašavanja bio Amandman III. o kojem je Komisija jednoglasno postigla saglasnost. Usaglašeni Amandman III. glasi:

Nakon člana 5. dodaje se novi član 6. koji glasi:

- (1) Ovaj zakon stupa na snagu osmog dana od dana objavljivanja u „Službenom glasniku BiH“.
- (2) Ovaj zakon bit će objavljen i u službenim glasilima entiteta i Brčko Distrikta Bosne i Hercegovine.

Sa 30 glasova „za“ (iz Federacije BiH 20, iz Republike Srpske 10), bez glasova „protiv“ i s jednim „suzdržanim“ glasom, Dom je usvojio Izvještaj Zajedničke komisije.

**Ad.16. Prijedlog Poslovnika o radu Odbora za žalbe građana na rad policijskih službenika u policijskim tijelma BiH (akt Odbora za žalbe broj: 01,02-34-6-1121/09, od 25.9. 2009.)**

Predsjedavajući je dao uvodne napomene. U raspravi su učestvovali: Beriz Belkić, Šefik Džaferović i Momčilo Novaković.

Prilikom glasanja, „za“ je bilo 27 poslanika (iz Federacije BiH 18 iz Republike Srpske devet), niko nije bio „protiv“, a tri poslanika bila su „suzdržana“, te je Poslovnik usvojen.

**Ad. 17. Rasprava o materijalu „Položaj te mjere za poboljšanje položaja građana Bosne i Hercegovine koji su bili zaposleni i nastanjeni u Republici Hrvatskoj a u periodu od 1991. do 1995. godine otpušteni s posla – usvojena inicijativa poslanika Momčila Novakovića sa 53. sjednice Doma, održane 13. 5. 2009., osnov za raspravu materijal dostavljen od Vijeća ministara BiH, od 25. 9. 2009.**

Predsjedavajući je dao uvodne napomene. Nakon toga, u raspravi su učestvovali: Momčilo Novaković, Remzija Kadrić, Sadik Ahmetović, Ekrem Ajanović, Husein Nanić, Šefik Džaferović i Slavko Jovičić.

Na prijedlog predsjedavajućeg, Dom je odlučio da se, u trajanju od pet minuta, obrate predstavnici UGOR-a – udruženja građana otpuštenih radnika iz RH i predstavnici Republičkog udruženja radnika i invalida rada izbjeglih iz Hrvatske s državljanstvom BiH Darko Marjanović i Mervan Ramiz.

Dom je, s 29 glasova „za“ (iz Federacije BiH 19 iz Republike Srpske 10), bez glasova „protiv“ i dva „suzdržana“ glasa, usvojio materijal iz ove tačke dnevnog reda s Mišljenjem Zajedničke komisije za ljudska prava, prava djeteta, mlade, imigraciju, izbjeglice, azil i etiku.

Nakon toga, prešlo se na glasanje o zaključcima, te je Dom sa 28 glasova „za“ (iz Federacije BiH 18 iz Republike Srpske 10), bez glasova „protiv“ i tri „suzdržana“ glasa, usvojio sljedeći zaključak Remzije Kadrića:

**„Zadužuje se Vijeće ministara BiH da donese prošireni plan mjera za rješavanje problema građana BiH koji su bili zaposleni u republikama bivše Jugoslavije i otpušteni s posla u periodu od 1991. do 1995. godine“**

Dom je, s 26 glasova „za“ (iz Federacije BiH 16 iz Republike Srpske 10), bez glasova „protiv“ i četiri „suzdržana“ glasa, usvojio sljedeće zaključke Milorada Živkovića:

**„1. Predstavnički Dom Parlamentarne skupštine BiH podržava mjere i aktivnosti koje provodi Ministarstvo civilnih poslova BiH, a prema planu mjera za rješavanje problema građana BiH koji su bili zaposleni u Republici Hrvatskoj i otpušteni s posla u periodu 1991.-1995. godine (usvojen na 78. sjednici Vijeća ministara BiH, od 26.2.2009.).**

**2. Zadužuje se Vijeće ministara BiH da svakih šest mjeseci Predstavničkom domu Parlamentarne skupštine BiH podnosi izvještaj o provođenju ovog plana, a koji će sadržavati i aktivnosti koje je preduzelo Ministarstvo vanjskih poslova BiH iz svoje nadležnosti.“**

**Ad. 18. Program „Perspektiva“ i informacija Ministarstva odbrane BiH i Zajedničkog štaba Oružanih snaga BiH o tranziciji i zbrinjavanju personala MOBiH i OSBiH, s Mišljenjem i prijedlozima zaključaka Zajedničke komisije za odbranu i sigurnost (materijal broj: 03/1-03-578/09, od 21. 9. 2009.)**

Predsjedavajući Milorad Živković dao je kratke uvodne napomene. U raspravi su učestvovali Šefik Džaferović i Adem Huskić.

Dom je, s 29 glasova „za“ (iz Federacije BiH 20 iz Republike Srpske devet), bez glasova „protiv“ i dva „suzdržana“ glasa, primio k znanju materijale: Program tranzicije i zbrinjavanja otpuštenog personala MOBiH i OSBiH „Perspektiva“, Informaciju o realizaciji NATO Trust Fonda za BiH i aktivnostima Ministarstva odbrane BiH u oblasti tranzicije i zbrinjavanja personala, u toku reforme odbrane u 2004. i 2006. godini, Informaciju o tranziciji i zbrinjavanju personala MOBiH i OSBiH, Akt pod nazivom „Pokretanje novog NATO Trust Fonda za BiH“, s Mišljenjem i zaključcima Zajedničke komisije za odbranu i sigurnost BiH.

**Ad. 19. Informacija o usvojenim mjerama za ublažavanje negativnih efekata globalne ekonomske krize u BiH, materijal Vijeća ministara BiH, broj: 01-50-3-1004/09, od 24.8.2009.**

Predsjedavajući je podsjetio Dom da je na 61. sjednici odlučeno da se ne vodi rasprava o Informaciji zbog neprisustva predlagača, o čemu su i obaviješteni. U raspravi su učestvovali: Slavko Jovičić, Rifat Dolić, Savo Erić, Momčilo Novaković, Husein Nanić, Mirko Okolić, Mehmed Suljkanović, Sadik Bahtić, Azra Hadžiahmetović, Jerko Ivanković Lijanović, te ministar Dragan Vrankić.

Predstavnički dom je, s 26 glasova „za“ (iz Federacije BiH 17, iz Republike Srpske devet), dva glasa „protiv“ i tri „suzdržana“ glasa, primio k znanju Informaciju.

Zatim se prešlo na glasanje o zaključcima. Rezultat je sljedeći:

„Za“ usaglašeni prijedlog zaključka Jerka Ivankovića Lijanovića i Huseina Nanića glasala su 23 poslanika (iz Federacije BiH 17 iz Republike Srpske šest), niko nije glasao „protiv“ a sedam poslanika bilo je „suzdržano“. Sadržaj zaključka je sljedeći:

**„Zadužuje se Vijeće ministara BiH da Predstavničkom domu Parlamentarne skupštine BiH dostavi informaciju o efektima usvojenih mjera za ublažavanje negativnih efekata globalne ekonomske krize u BiH i nove mjere koje namjerava preduzeti. Rok za dostavljanje informacije je 30 dana.“**

„Za“ prijedlog zaključka Mirka Okolića glasalo je 18 poslanika (iz Federacije BiH 15 iz Republike Srpske tri), jedan je bio „protiv“ a 11 poslanika bilo je „suzdržano“. Zaključkom se predlaže da Vijeće ministara BiH kvartalno ažurira usvojene mjere za ublažavanje negativnih efekata globalne ekonomske krize u BiH dok za mjerama ima potrebe i o tome izvještava Predstavnički dom PSBiH. Predsjedavajući je konstatirao da nema dovoljne entitetske većine, te da će se Kolegij kao komisija pokušati usaglasiti u roku od tri dana, o čemu će Dom biti obaviješten.

**Ad. 20. Prijedlog zaključka o osnivanju Privremene komisije oba doma Parlamentarne skupštine BiH za provođenje procedure za izbor tri člana Upravnog odbora Agencije za razvoj visokog obrazovanja i osiguravanje kvaliteta**

Predsjedavajući je u uvodnim napomenama rekao da je Agencija za razvoj visokog obrazovanja i osiguravanje kvaliteta zatražila od Parlamentarne skupštine BiH da raspiše javni konkurs i provede proceduru za izbor tri člana Upravnog odbora Agencije na mandat od tri godine, te da je Zajednički kolegij oba doma utvrdio Prijedlog zaključka osnivanju Privremene komisije oba doma Parlamentarne skupštine BiH za provođenje procedure za izbor tri člana Upravnog odbora Agencije za razvoj visokog obrazovanja i osiguravanje kvaliteta. Kazao je i to da je prijedlog Kolegija u proširenom sastavu da se iz Predstavničkog doma imenuju:

- a) Sead Jamakosmanović
- b) Martin Raguž
- c) Branko Dokić

S 28 glasova „za“ (iz Federacije BiH 18, iz Republike Srpske 10), bez glasova „protiv“ i tri „suzdržana“ glasa, Dom je usvojio ovaj prijedlog.

#### **Ad. 21. Imenovanje članova iz Predstavničkog doma u Stalnu**

##### **delegaciju Parlamentarne skupštine BiH u Parlamentarnu skupštinu Mediterana**

Predsjedavajući Milorad Živković je u uvodnim napomenama rekao da je Dom, u skladu s članom 173. (2) Poslovnika Doma, u delegaciju imenovao dva člana, i to: Azru Alajbegović i Momčila Novakovića, a da je Dom naroda na svojoj sjednici imenovao sva tri člana, te samim tim imenovanje nije uspjelo. Nakon toga, na sjednici Zajedničkog kolegija oba doma utvrđeni su sljedeći kriteriji za imenovanje stalne delegacije: Dom naroda treba da imenuje člana iz srpskog naroda a Predstavnički dom dva člana - iz bošnjačkog i hrvatskog naroda, s tim da se moraju poštovati zahtjevi Skupštine Mediterana, a to je ravnomjerna zastupljenost spolova i jedan član mora biti iz opozicije. Prijedlog Kolegija u proširenom sastavu je da dva člana iz Doma budu:

- a) Jozo Križanović
- b) Azra Alajbegović

S 30 glasova „za“ (iz Federacije BiH 20, iz Republike Srpske 10), bez glasova „protiv“ i jednim „suzdržanim“ glasom, Dom je usvojio ovaj prijedlog.

#### **Ad. 22. Razrješenje poslanika Rifata Dolića, člana Posebne istražne komisije zbog podnošenja ostavke**

Predsjedavajući je napomenuo da je poslanik Rifat Dolić, 1.10.2009. , podnio ostavku na mjesto člana Posebne istražne komisije, navodeći svoje razloge, te da Dom treba formalno razriješiti poslanika. U raspravi je učestvovao Rifat Dolić.

Za“ je glasalo 15 poslanika (iz Federacije BiH sedam, iz Republike Srpske osam), 13 je glasalo „protiv“ i tri poslanika bila su „suzdržana“. Predsjedavajući je konstatirao da nema dovoljne entitetske većine, te da će se Kolegij kao komisija pokušati usaglasiti u roku od tri dana, o čemu će Dom biti obaviješten.

#### **Ad. 23. Davanje saglasnosti za ratifikaciju:**

- a) **Sporazuma o finansiranju između Bosne i Hercegovine i Komisije Evropskih zajednica u pogledu prekograničnog programa između Bosne i Hercegovine i Republike Hrvatske na osnovu komponente prekogranične saradnje u okviru Instrumenta pretpristupne pomoći (IPA) za 2008. godinu;**

- b) Sporazuma o finansiranju između Bosne i Hercegovine i Komisije Evropskih zajednica u pogledu prekograničnog programa između Bosne i Hercegovine i Republike Srbije na osnovu komponente prekogranične saradnje u okviru Instrumenta pretpristupne pomoći (IPA) za 2008. godinu;
- c) Sporazuma o finansiranju između Bosne i Hercegovine i Komisije Evropskih zajednica u pogledu prekograničnog programa između Bosne i Hercegovine i Republike Crne Gore na osnovu komponente prekogranične saradnje u okviru Instrumenta pretpristupne pomoći (IPA) za 2008. godinu;
- d) Kreditnog sporazuma – Projekat završetka i opremanja četiri bolnice – između Saudijskog fonda za ravoja i Bosne i Hercegovine;
- e) Konvencije Međunarodne agencije za atomsku energiju o nuklearnoj sigurnosti, Beč, 17. juni 1994. godine;
- f) Konvencije Međunarodne organizacije rada o promotivnom okviru sigurnosti i zdravlja na radu, broj 187 iz 2006. godine i Preporuke vezane za promotivni okvir profesionalne sigurnosti i zdravlja na radu broj 197 iz 2006. godine;
- g) Deklaracije o jačanju nacionalnih i regionalnih kapaciteta za pripravnost i reakciju na epidemije i za provođenje Međunarodnih zdravstvenih propisa (2005);
- h) Kodeksa Međunarodne agencije za atomsku energiju o postupanju u vezi s pitanjem sigurnosti i zaštite radioaktivnih izvora
- i) Amandmana na Konvenciju Međunarodne agencije za atomsku energiju o fizičkoj zaštiti nuklearnog materijala.

Predsjedavajući je podsjetio da je nadležna Komisija za vanjske poslove dala pozitivno mišljenje o svim aktima i predložio da se vodi jedinstvena rasprava.

Nije bilo rasprave.

Prvo se glasalo o prijedlogu da se Dom izjasni o svim sporazumima zajedno.

S 30 glasova „za“ (iz Federacije BiH 20, iz Republike Srpske 10), jednim „protiv“ i bez „suzdržanih“ glasova, Dom je usvojio ovaj prijedlog.

Dom je, s 30 glasova "za" (iz Federacije BiH 21, iz Republike Srpske devet), bez glasova „protiv“ i jednim „suzdržanim“, dao saglasnost za ratifikaciju svih akata iz ove tačke.

Time je realiziran dnevni red.

Predsjedavajući Milorad Živković napomenuo je da je 63. redovna sjednica Doma zakazana za 4. novembar 2009. i zahvalio se svima na strpljenju i radu.

Sjednica je završena u 18,30 sati.

Sastavni dio Zapisnika je transkript 62. sjednice Predstavničkog doma.

SEKRETAR  
PREDSTAVNIČKOG DOMA  
**Branka Todorović**

PREDSJEDAVAJUĆI  
PREDSTAVNIČKOG DOMA  
**dr. Milorad Živković**